

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S DVADESETČETVRTE SJEDNICE GRADSKOG VIJEĆA TUZLA ODRŽANE 25.
SEPTEMBRA 2018. GODINE U POSLOVNOM OBJEKTU „GRAFIČAR“ U 12 SATI**

-SJEDNICI PRISUSTVUJE 30 VIJEĆNIKA

U Tuzli, septembar 2018. godine

ALEKSANDAR VUJADINOVIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, drugarice i drugovi, dame i gospodo, otvaram dvadesetčetvrtu redovnu sjednicu Gradskog vijeća Tuzla.

U skladu sa članom 62. i 65. Poslovnika Gradskog vijeća Tuzla, potrebno je utvrditi kvorum za rad i odlučivanje.

Konstatujem, da prema evidenciji Stručne službe Gradskog vijeća, sjednici prisustvuje 30 od ukupnog broja vijećnika 31, što je dovoljno za punovažan rad i odlučivanje.

Za današnju sjednicu kašnjenje na sjednicu je najavio vijećnik Kenan Osmančević, pa predlažem da mu opravdamo kašnjenje.

Podsjećam vijećnike da su svi klubovi vijećnika dobili stenogram uz materijale za današnju sjednicu, a svaki vijećnik skraćenu verziju zapisnika s 23. redovne sjednice Gradskog vijeća Tuzla, održane 29. avgusta 2018. godine.

Da li ima primjedbi na stenogram i skraćenu verziju zapisnika? Nema.

Onda stavljam na izjašnjavanje ovaj stenogram i skraćenu verziju zapisnika s 23. redovne sjednice Gradskog vijeća Tuzla, održane 29. avgusta 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su Stenogram i Skraćena verzija zapisnika s 23. redovne sjednice Gradskog vijeća Tuzla, održane 29. avgusta 2018. godine, usvojeni s 28 glasova za, bez glasova protiv, uz jedan suzdržan glas.

Za današnju sjednicu predlažem dnevni red kao što ste dobili u Pozivu za današnju sjednicu:

DNEVNI RED

- Usvajanje Zapisnika sa dvadesettreće redovne sjednice Gradskog vijeća Tuzla, održane 29. 08. 2018. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE ODLUKE O DODJELI JAVNIH PRIZNANJA U 2018. GODINI

3. ODLUKA O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLA I JKP "PANNONICA" D.O.O. ZA SPORTSKO-REKREATIVNE AKTIVNOSTI TUZLA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE ZEMLJIŠTA, PLAŽA, OBJEKATA I OPREME U OKVIRU I U FUNKCIJI DVA SLANA JEZERA SA SLANIM VODOPADIMA I BAZENIMA U GRADU TUZLA (Ugovor o regulisanju međusobnih prava i obaveza u vezi sa povjeravanjem na upravljanje i korištenje zemljišta, plaža, objekata i opreme u okviru i u funkciji dva slana jezera sa slanim vodopadima i bazenima u gradu Tuzla i Mišljene Gradskog pravobranilaštva Tuzla broj M-28/18 od 31. 07. 2018. g)

4. RAZMATRANJE I USVAJANJE IMOVINSKO-PRAVNIK AKATA

a) Odluka o dodjeli u zakup poslovnih prostorija neposrednom pogodbom Omladinskom košarkaškom klubu „Sloboda“, broj: 01/07-23-4337/17

b) Odluka o dodjeli u zakup poslovnih prostorija neposrednom pogodbom Javnom preduzeću Sportsko-kulturno-privrednom centru „Mejdan“ d.o.o. Tuzla, broj: 01/07-23-4540/18

c) Odluka o dodjeli u zakup poslovnih prostorija neposrednom pogodbom Udruženju Planinarsko društvo „Hrid“ iz Tuzle, broj: 01/07-23-6196/18

d) Odluka o dodjeli u zakup poslovnih prostorija neposrednom pogodbom Udruženju za pomoć žrtvama i preživjelim seksualnog nasilja u ratu „Naš glas“, broj: 01/07-23-5329/18

e) Rješenje o utvrđivanju uz naknadu pravo vlasništva na izgrađenom gradskom građevinskom zemljištu, broj:

- 01/07-31-6600/07 (Selimović M. Kasim, lokacija KO Plane)

5. RAZMATRANJE I USVAJANJE IZVJEŠTAJA O KONAČNOJ PROCJENI ŠTETE OD POPLAVA U MJESNIM ZAJEDNICAMA SIMIN HAN I POŽARNICA I DIJELU MJESNE ZAJEDNICE GORNJA TUZLA

6. RAZMATRANJE INFORMACIJE O STANJU KLIZIŠTA I PODUZETIM AKTIVNOSTIMA NA REALIZACIJI INTERVENTNIH SANACIJA KLIZIŠTA NA PODRUČJU GRADA TUZLA

7. RAZMATRANJE INFORMACIJE O PROVEDBI MJERA I AKTIVNOSTI KOJE SE ODOSE „POVEĆANJE SVIJESTI ZAJEDNICE OD OPASNOSTI OD KATASTROFA“ – PROVEDBA OBUKA I VJEŽBI STRUKTURA CIVILNE ZAŠTITE I GRAĐANA U 2018. GODINI

8. RAZMATRANJE INFORMACIJE O AKTIVNOSTIMA NA ANIMIRANJU GRAĐANA I GRAĐANKI I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA

9. RASPRAVA O NACRTU ZAKONA O INSPEKCIJAMA TK

10. RAZMATRANJE IZVJEŠTAJA KOMISIJE ZA IZBOR I IMENOVANJE

11. TEKUĆA PITANJA

a) Obavještenje Službe za prostorno uređenje i zaštitu okoline o razlozima prolongiranja izrade Regulacionog plana stambeno-poslovne zone Kreka–jug – II faza

b) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Informacije o postupanju sa izgubljenim i napuštenim životinjama, psima i mačkama lualicama

Podsjećam da su se, u skladu sa članom 58. Poslovnika Gradskog vijeća Tuzla, prijedlozi za naknadno uvrštavanje hitnih i neodložnih pitanja mogli podnijeti u pisanoj formi, najkasnije 48 sati prije održavanja ove sjednice, kao i da su se, u skladu sa članom 61. Poslovnika Gradskog vijeća Tuzla, zahtjevi za izmjenu predloženog dnevnog reda mogli dostaviti najkasnije 48 sati prije održavanja ove sjednice.

Obavještavam vas da je Kolegij Gradskog vijeća Tuzla održao vanrednu sjednicu neposredno pred početak ove dvadestčetvrte sjednice i prijedlog Kolegija je da se tačka VIJEĆNIČKA PITANJA I INICIJATIVE razmatra kao zadnja tačka dnevnog reda današnje 24. redovne sjednice Gradskog vijeća Tuzla, a da se ostale tačke redosljedom pomjere.

Stavljam na izjašnjavanje ovaj prijedlog Kolegija Gradskog vijeća Tuzla i pozivam vijećnike da, poslovnička. Elvir Kasumović, SBB. Izvolite.

ELVIR KASUMOVIĆ – vijećnik Saveza za bolju budućnost

Prije svega želim sve da vas srdačno pozdravim, kao i građane grada Tuzla koji će ovu sjednicu pratiti putem malih ekrana.

Na sjednici Kolegija bio sam protiv da se vijećnička pitanja izmjestite kao zadnja tačka dnevnog reda. Moglo se ono pomjeriti recimo da bude druga, ukoliko je prva izuzetno toliko značajna. Međutim, po meni, nisam vidio razloge opravdane razloge za izmještanje ove tačke dnevnog reda na zadnje mjesto.

Ovo je jedino institut kada vijećnici, kao demokratski, legalni i legitimni izabranici građana ovog grada prenose glas naroda i javnosti u ovu kuću i ovu instituciju.

S tim u vezi ne smijemo zanemarivati ovo pravo vijećnika i stavljati ga na zadnje mjesto ako ono ima nekih pitanja koja možda nisu u skladu sa pravilnikom to treba sankcionisati itd.

Međutim, nisam za to da se vijećnička pitanja ni danas, a ni nikada više izmještaju kada je već ustaljeni proces i praksa da to bude prva tačka dnevnog reda.

Nema uopšte nikakve opravdanosti po pitanju dnevnog reda da se ova tačka izmiješta na zadnje mjesto i s tim u vezi ja i Klub Saveza za bolju budućnost bićemo protiv ovog dnevnog reda ukoliko se ova tačka pomjeri na zadnje mjesto. Hvala.

ALEKSANDAR VUJADINOVIĆ

Hvala lijepo. Možemo li sada pristupiti glasanju znači po prijedlogu Kolegija Gradskog vijeća Tuzla da se tačka VIJEĆNIČKA PITANJA I INICIJATIVE razmatra kao zadnja tačka dnevnog reda današnje 24. redovne sjednice Gradskog vijeća Tuzla, a da se ostale tačke znači redoslijedom pomjere.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Za ovaj prijedlog je glasalo 19 vijećnika, protiv je bilo šest i četiri vijećnika su bila suzdržana. Ima jedan da nedostaje. OK. Ponoviti ćemo glasanje.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Za ovaj prijedlog je glasalo 19 vijećnika, protiv je bilo šest i pet vijećnika su bila suzdržana.

Konstatujem da je ovaj prijedlog Kolegija Gradskog vijeća Tuzla da se tačka dnevnog reda VIJEĆNIČKA PITANJA I INICIJATIVE razmatra kao zadnja tačka dnevnog reda, dobio potrebnu većinu, a ostale tačke se redoslijedom pomjeraju.

Kolegij Gradskog vijeća je razmotrio u poslovničkom roku pristigli prijedlog za dopunu dnevnog reda. Gradonačelnik Grada Tuzle je predložio da se u dnevni red današnje sjednice 24. redovne sjednice Gradskog vijeća Tuzla uvrsti tačka pod nazivom RAZMATRANJE I DONOŠENJE ODLUKE O STAVLJANJU VAN SNAGE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O KUPOPRODAJI NEKRETNINE U VLASNIŠTVU GRADA TUZLA ZA IZGRADNJU KOLEKTIVNOG STAMBENO-POSLOVNOG OBJEKTA „F“ SA PRIPADAJUĆIM VANJSKIM UREĐENJEM U OBUHVATU PROSTORNE CJELINE „STUPINE SJEVER“ U NASELJU STUPINE U TUZLI.

Kolegij Gradskog vijeća je prihvatio ovaj prijedlog, te predlaže da se na prijedlog Gradonačelnika Grada Tuzle u dnevni red 24. redovne sjednice Gradskog vijeća Tuzla, kao tačka 2. uvrsti ova tačka RAZMATRANJE I DONOŠENJE ODLUKE O STAVLJANJU VAN SNAGE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O KUPOPRODAJI NEKRETNINE U VLASNIŠTVU GRADA TUZLA ZA IZGRADNJU KOLEKTIVNOG STAMBENO-

POSLOVNOG OBJEKTA „F“ SA PRIPADAJUĆIM VANJSKIM UREĐENJEM U OBUHVATU PROSTORNE CJELINE „STUPINE SJEVER“ U NASELJU STUPINE U TUZLI, a da se ostale tačke redosljedom pomjere.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da se o njemu izjasne.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je pročitani prijedlog usvojen jednoglasno s 30 glasova za, nije bilo protiv i nije bilo suzdržanih.

Znači današnji dnevni red 24. redovne sjednice Gradskog vijeća Tuzla, kao tačka dva se uvrštava RAZMATRANJE I DONOŠENJE ODLUKE O STAVLJANJU VAN SNAGE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O KUPOPRODAJI NEKRETNINE U VLASNIŠTVU GRADA TUZLA ZA IZGRADNJU KOLEKTIVNOG STAMBENO-POSLOVNOG OBJEKTA „F“ SA PRIPADAJUĆIM VANJSKIM UREĐENJEM U OBUHVATU PROSTORNE CJELINE „STUPINE SJEVER“ U NASELJU STUPINE U TUZLI.

Podsjećam vijećnike da je članom 61. stav 5. Poslovnika Gradskog vijeća Tuzla propisano da IZUZETNO vijećnici i gradonačelnik mogu tražiti izmjenu dnevnog reda na samoj sjednici, te pitam da li ima prijedloga za izmjenu dnevnog reda u skladu sa navedenim članom?

Ako nema, stavljam na izjašnjavanje predloženi i dopunjeni dnevni red.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je usvojen dnevni red izmijenjen i dopunjen u cjelini, usvojen s većinom glasova i bilo je 23 vijećnika su glasala za, protiv je bilo šest i jedan vijećnik je bio suzdržan i to:

D N E V N I R E D

- Usvajanje Zapisnika sa dvadesettreće redovne sjednice Gradskog vijeća Tuzla, održane 29. 08. 2018. godine

1. ODLUKA O DODJELI JAVNIH PRIZNANJA U 2018. GODINI

2. RAZMATRANJE I DONOŠENJE ODLUKE O STAVLJANJU VAN SNAGE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O KUPOPRODAJI NEKRETNINE U VLASNIŠTVU GRADA TUZLA ZA IZGRADNJU KOLEKTIVNOG STAMBENO-POSLOVNOG OBJEKTA „F“ SA PRIPADAJUĆIM VANJSKIM UREĐENJEM U OBUHVATU PROSTORNE CJELINE „STUPINE SJEVER“ U NASELJU STUPINE U TUZLI

3. ODLUKA O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLA I JKP “PANNONICA” D.O.O. ZA SPORTSKO-REKREATIVNE AKTIVNOSTI TUZLA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE ZEMLJIŠTA, PLAŽA, OBJEKATA I OPREME U OKVIRU I U FUNKCIJI DVA SLANA JEZERA SA SLANIM VODOPADIMA I BAZENIMA U GRADU TUZLA (Ugovor o regulisanju međusobnih prava i obaveza u vezi sa povjeravanjem na upravljanje i korištenje zemljišta, plaža, objekata i opreme u okviru i u funkciji dva

slana jezera sa slanim vodopadima i bazenima u gradu Tuzla i Mišljene Gradskog pravobranilaštva Tuzla broj M-28/18 od 31. 07. 2018. g)

4. IMOVINSKO-PРАВNA AKTA

a) Odluka o dodjeli u zakup poslovnih prostorija neposrednom pogodbom Omladinskom košarkaškom klubu „Sloboda“, broj: 01/07-23-4337/17

b) Odluka o dodjeli u zakup poslovnih prostorija neposrednom pogodbom Javnom preduzeću Sportsko-kulturno-privrednom centru „Mejdan“ d.o.o. Tuzla, broj: 01/07-23-4540/18

c) Odluka o dodjeli u zakup poslovnih prostorija neposrednom pogodbom Udruženju Planinarsko društvo „Hrid“ iz Tuzle, broj: 01/07-23-6196/18

d) Odluka o dodjeli u zakup poslovnih prostorija neposrednom pogodbom Udruženju za pomoć žrtvama i preživjelim seksualnog nasilja u ratu „Naš glas“, broj: 01/07-23-5329/18

e) Rješenje o utvrđivanju uz naknadu pravo vlasništva na izgrađenom gradskom građevinskom zemljištu, broj:

- 01/07-31-6600/07 (Selimović M. Kasim, lokacija KO Plane)

5. IZVJEŠTAJ O KONAČNOJ PROCJENI ŠTETE OD POPLAVA U MJESNIM ZAJEDNICAMA SIMIN HAN I POŽARNICA I DIJELU MJESNE ZAJEDNICE GORNJA TUZLA

6. INFORMACIJA O STANJU KLIZIŠTA I PODUZETIM AKTIVNOSTIMA NA REALIZACIJI INTERVENTNIH SANACIJA KLIZIŠTA NA PODRUČJU GRADA TUZLA

7. INFORMACIJA O PROVEDBI MJERA I AKTIVNOSTI KOJE SE ODOSE „POVEĆANJE SVIJEŠTI ZAJEDNICE OD OPASNOSTI OD KATASTROFA“ – PROVEDBA OBUKA I VJEŽBI STRUKTURA CIVILNE ZAŠTITE I GRAĐANA U 2018. GODINI

8. INFORMACIJA O AKTIVNOSTIMA NA ANIMIRANJU GRAĐANA I GRAĐANKI I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA

9. RASPRAVA O NACRTU ZAKONA O INSPEKCIJAMA TK

10. IZVJEŠTAJ KOMISIJE ZA IZBOR I IMENOVANJE

11. TEKUĆA PITANJA

a) Obavještenje Službe za prostorno uređenje i zaštitu okoline o razlozima prolongiranja izrade Regulacionog plana stambeno-poslovne zone Kreka–jug – II faza

b) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Informacije o postupanju sa izgubljenim i napuštenim životinjama, psima i mačkama lualicama

12. VIJEĆNIČKA PITANJA I INICIJATIVE

S obzirom da je Dnevni red usvojen s izmjenama i dopunama, znači možemo preći na realizaciju istog.

Prelazimo na prvu tačku Dnevnog reda:

ODLUKA O DODJELI JAVNIH PRIZNANJA U 2018. GODINI

Obavještvam vijećnike da je u vezi sa ovom tačkom Dnevnog reda:

Predlagač je Komisija za odlikovanja i priznanja.

Obrađivač je Stručna služba Gradskog vijeća.

Materijal su razmatrali Komisija za statutarna pitanja i propise i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročita izvještaj komisija. Nema.

Otvaram raspravu klubova vijećnika. Niko se ne javlja. Zaključujem raspravu klubova vijećnika.

Otvaram raspravu vijećnika. Da li neko želi da diskutuje o ovoj tački dnevnog reda?
Mirnes Ajanović, BOSS. Izvolite.

MIRNES AJANOVIĆ - vijećnik Bosanske stranke

Hvala predsjedavajući. Pozdrav svima. Da ne bi bilo samo zabune. Treba to ponoviti. Pa možda u praksu staviti da vi kao predsjedavajući da kažete, ali vi ste nama dali priliku da govorimo. Mi smo raspravljali nekoliko puta na sjednicama Kolegija Gradskog vijeća i uvijek je zauzet stav da mi ne diskutujemo o imenima. To što usaglasimo, dobijemo je odluka svih dakle klubova, stranaka i iz tih razloga mi ne diskutujemo.

Ali da javnost ne bi mislila da smo nezainteresovani. U potpunosti smo sve proanalizirali i imali nekoliko dakle sjednica i taj rezultat je ovdje upisan u materijalu.

ALEKSANDAR VUJADINOVIĆ

U redu. Onda stavljam na izjašnjavanje odluku o dodjeli. Pardon. Rejhana Dervišević. Izvolite. SDP.

REJHANA DERVIŠEVIĆ - vijećnik Socijaldemokratske partije

Zahvaljujem predsjedavajući. Želim vas sve pozdraviti. Dakle, upravo u kontekstu ovoga što je rekao vijećnik Ajanović, a zbog naših dakle i onih gledalaca koji prate sjednice Gradskog vijeća, ipak bih željela istaći i reći o kojim imenima se radi. Koje su to institucije koje su dobile ova priznanja.

Dakle priznanje Povelja Grada Tuzla u povodu obilježavanja 2. oktobra predlaže se Nedžad Salković

Priznanje Počasni građanin Tuzle, u povodu obilježavanja istog datuma Dana oslobođenja grada Tuzle Fred Matser.

Priznanje Tuzlanska plaketa predloženi su Zlatan Fatušić, Nikola Slavuljica, Josip Brumec i Muzej istočne Bosne.

i za priznanje Tuzlanska lenta u povodu dakle obilježavanja 2. oktobra Željko Pantić, Ramiza Milkunić i Samir Zahirović. Hvala.

ALEKSANDAR VUJADINOVIĆ

U redu. Hvala lijepo. Mirza Tupajić, vijećnik SDA. Izvolite.

MIRZA TUPAJIĆ - vijećnik Stranke demokratske akcije

Pošto se prvi put javljam, želim sve srdačno selamit, pozdravit, želim nam sretan rad.

Ja sam na Kolegiju tražio. Postavio pitanje predsjedniku znači Komisije koja su to još bila imena nominovana jer i to je nekom u biografiji jako bitno da je bio nominovan za neku od ovih nagrada, nekih od plaketa, lenti itd. i tražio sam, evo da se za narednu sjednicu znači

kad bude sjednica Vijeća da u ovim materijalima dobijemo ta imena i od kojih institucija su isti delegirani itd.

Vidim da to nije, pa evo nije problem u nekom narednom periodu, znači da nam se samo dostave imena ljudi koji su isto tako predloženi. Naravno ograničen je broj i plaketa i ovih lenti, ograničen je broj nagrada, ali da vidimo koja su to imena eto čisto, jer imamo to pravo i kao vijećnici da znamo. Eto. Hvala.

ALEKSANDAR VUJADINOVIĆ

U redu. Hvala lijepo. Replika Mirnes Ajanović, BOSS. Izvolite.

MIRNES AJANOVIĆ

Ovo što mi danas ne diskutujemo o imenima je rezultat toga da bi zaštitili druge koji nisu prošli kako se ne bi desilo da, sad je neko više vrijedio ili neko manje vrijedan. Ne mogu svi dobiti.

Prije nego što sam, pa hajde da kažem i ja za sjednicom, za govornicom Gradskog vijeća, tada Opštinskog vijeća, ukazivao na okolnost da je po trideset, četrdeset ljudi za svaki značajan datum dobijalo tuzlanska priznanja i to najveća, pa i to je obezvrijedilo ta priznanja i donijeli smo zato Odluku da, upravo imamo jednu povelju, pet plaketa i lenti i neko može biti i počasni i to je ono što može u okviru jedne godine biti dodijeljeno.

I dogovorili smo da, pošto je bilo na sjednicama Gradskog vijeća sukoba u smislu zašto ovaj, zašto ne onaj, radi korektnosti prema svim koji su predloženi da ne raspravljamo na sjednicama Vijeća o imenima, da to radimo na kolegiju i da mi na kolegiju to kada završimo imamo završenu situaciju.

Zamislite sad kad bi neko rekao neko od ovih nije trebao da dobije, a trebao je da dobije neko treći. To bi devalviralo i priznanje, pa i tog trećeg koji nije prošao, jer bi onda došao u stanje koje bi bilo i vrlo neugodno. Tako da ovo što kolega kaže značajno je što je i predložen.

Predloženih može biti koliko god hoćete, ali oni koji su prošli, oni će dobiti, a ostali koji nisu mogu se naći u neugodnoj situaciji i zavisi ko ih je predložio, pod kakvim okolnostima, da li ima osnova.

Prijedlog može biti svakakav. Zato smo se odlučili da idemo na ovaj način da ne bi otišlo u javnost dakle da nešto se to krije ili ne, nego to je pravo Gradskog vijeća da na sjednicama Kolegija evo ovako kako bi ova priznanja bila dostojanstvena u smislu i onih koji su i dobili, pa i sačuvali dostojanstvo oni koji nisu, pa mi na vije, sjednicama Kolegija smo imali informaciju da će u narednom periodu vjerovatno neko od ovih, ukoliko ponovo se predloži, ako ne bude ovakva konkurencija imati priliku.

I evo za, na znanje zauzeli smo stav da ipak jedna povelja godišnje je relativno malo. Napravili smo ozbiljnost zaista veliku, ali raspravlja Vijeće i evo ima informacija, doće na jednoj sje, sledećih sjednica Kolegija, pa i na, naravno na sjednici Vijeća, da će moguće biti jedna povelja za fizičko lice i jedna za pravno lice.

I u slučaju da imamo značajne jubileje, kao što je recimo sto godina Slobode ili slično kakvih će raznih biti, da ta može biti dodatna povelja kako ne bi dakle zbog jubileja nekome uskratili pravo ko ima mogućnost da dobije povelju, a samo zbog toga što u toj godini imamo jubilej, da dakle i to može biti vanredno dodjeljivano, maksimalno dakle tri, a jedna povelja ne mora biti niti do, dodjeljena uopšte u jednoj godini. Dešavalo se da nismo imali ni jedan prijedlog, odnosno niko nije prošao.

Tako da štiteći imena onih koji nisu prošli, mislim da ne treba prihvatiti ovu inicijativu da Vijeće dobija tu informaciju.

Ko god bi želio da se interesuje ima mogućnost kroz nadležnu službu, kroz sekretara, predsjedav, odnosno putem sekretara i predsjedavajućeg i zamjenika dobiju pune informacije o imenima onih koji nisu prošli.

ALEKSANDAR VUJADINOVIĆ

U redu. Hvala lijepo. Dobro. Da li se još neko od vijećnika javlja za raspravu? Dobro. Ukoliko se ne javlja zaključujem raspravu vijećnika.

I stavljam na izjašnjavanje Odluku o dodjeli javnih priznanja u 2018. godini i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Dobro. Glasanje je okončano.

Konstatujem da je ODLUKA O DODJELI JAVNIH PRIZNANJA U 2018. GODINI, usvojena jednoglasno, 30 vijećnika je glasalo za, nije bilo protiv, ni suzdržanih glasova. (MIRNES AJANOVIĆ – Poslovnička.) Poslovnička Mirnes Ajanović.

MIRNES AJANOVIĆ

Koleginica Rejhana je dobro to primjetila i pošto mi nismo tražili uvodno izlaganje, dobro je prezentirala imena. Ja sam očekivao da će to biti i od predsjedavajućeg prezentirano, ali evo koleginica je to dobro radila.

Ali da dopunimo. Ova priznanja će biti dodjeljena u povodu 2. oktobra Dana Tuzle. Da, radi javnosti, da se i ta informacija upotpuni kako bi evo građani koji budu imali priliku došli i ovo je jedan poziv na svečanu sjednicu Gradskog vijeća koja će biti održana u povodu 2. oktobra, dana kada je Tuzla bila najveći oslobođeni grad u porobljenoj Evropi.

ALEKSANDAR VUJADINOVIĆ

Dobro. Hvala. Pitam vijećnika Tupajića s obzirom na ovu repliku vijećnika Ajanovića, da li povlači taj svoj prijedlog? (MIRZA TUPAJIĆ - Pa vidi onaj.) Prijedlog zaključka. Znači da se dostavi imena onih koji su bili. (MIRZA TUPAJIĆ – Ni, nije, nije ovo nikakva inicijativa.) Da. (MIRZA TUPAJIĆ - Ja sam to tražio na Kolegiju da, da je ima insan.)

Pa dobro. (MIRZA TUPAJIĆ - I da to bude ubuduće praksa kad se donosi bilo šta sličan ovakav dokument pa da dobijemo malo detaljniji izvještaj. Pa bar evo na Kolegiju.) Dobro. (MIRZA TUPAJIĆ - Pa mi ćemo svakog upoznat.)

Pa Komisija, ja mislim da Komisija znači za odlikovanja i priznanja. (MIRZA TUPAJIĆ – Ja sam samo to konstatiro ovdje i zato nisam htio dalje onaj ući onaj u polemiku, u raspravu i tako dalje.) Dobro. U redu. Hvala. Ništa.

Predsjednika Komisije za odlikovanje i priznanje ćemo zamolit da ovo proslijedi. Znači dodatne informacije.

Mi prelazimo na sljedeću tačku dnevnog reda, a to je. Pardon. E, Nedžad Malikić. Poslovnička. Je li? (NEDŽAD MALIKIĆ – Jeste.)

NEDŽAD MALIKIĆ - vijećnik Tuzlanske alternative

Hvala predsjedavajući. Evo ja imam poslovničku. Predlažem pauzu od pet minuta kako bi usaglasili neke stavove. Hvala.

ALEKSANDAR VUJADINOVIĆ

U redu. Hvala. Pauza pet minuta. (Pauza.)

Dobro. Evo ovu pauzu smo iskoristili za usaglašavanje nekih stavova, pa s obzirom da je predsjednik Kluba vijećnika Tuzlanske alternative vijećnik Nedžad Malikić tražio pauzu, molim ga da obrazloži razloge sa, znači poziv na pauzu. Izvolite.

NEDŽAD MALIKIĆ

Hvala predsjedavajući. Evo ja sam tražio ispred kluba pauzu od pet minuta i otprilike smo to i usaglasili.

Imajući u vidu da su izbori jako blizu i da je ova sjednica ne bi otišla u nekom krivom smjeru, ja predlažem da se sa ovom prvom tačkom dnevnog reda zaključi sjednica Gradskoga vijeća, a da se sve preostale tačke prebacimo na neku od narednih redovnih sjednica Gradskog vijeća. Hvala.

ALEKSANDAR VUJADINOVIĆ

U redu. Hvala lijepo. Predsjednik Kluba vijećnika HDZ BiH, Ivica Kovačević. Izvolite.

IVICA KOVAČEVIĆ – vijećnik Hrvatske demokratske zajednice

Cijenjeni predsjedavajući, zamjeniče predsjedavajućeg, sekretaru Vijeća, kolegice, kolege vijećnici, predstavnici medija, gosti, predstavnici izvršne vlasti sve vas srdačno pozdravljam u ime Kluba HDZ-a Bosne i Hercegovine.

Ja sam već tamo na Kolegiju rekao svoj stav i ponoviću ga ovdje. Dakle, apsolutno ne podržavam ovaj prekid sjednice iz razloga što predsjedavajući, odnosno zaključenje rada sjednice, iz razloga što predsjedavajući ovdje pred vama sjedi trideset vijećnika i sjedi čitav niz nekih ljudi koji su danas odgodili neke svoje obveze, neke svoje poslove.

Dakle, imali su planirano današnju sjednicu i apsolutno znači iz tih razloga ne podržavam bilo kakvo sad zaključivanje rada i nastavak.

Dakle, ako smo odredili svoje vrijeme danas predlažem da radimo, dnevni red nije uopće težak, mislim da ga brzo možemo realizirati i ne vidim apsolutno nikakav razlog za prekid, odnosno za prolongiranje sjednice. Hvala lijepa.

ALEKSANDAR VUJADINOVIĆ

U redu. Hvala. Mirza Tupajić, SDA. Izvolite.

MIRZA TUPAJIĆ

Podržavam kolegu Kovačevića. Isto tako ne vidim razlog danas. Današnji dnevni red je tako reći light. Nemamo nekih teških tački dnevni, dnevnog reda. Oko mnogih tačaka se možemo usaglasiti.

Isto, evo odvojili smo dan. Ni, nije baš bilo ni, ni lako dobit slobodan dan, uskladiti svoje druge privatne i poslovne obaveze. Vidimo tu, tu su i mediji koji su došli i gospoda iz gradske uprave odvojili su dan.

Mislim da, da bi trebali nastaviti sa realizacijom ove sjednice i da danas završimo. Možemo za dva, tri sata završiti sjednicu. Hvala.

ALEKSANDAR VUJADINOVIĆ

U redu. Hvala lijepo. Mirnes Ajanović, BOSS. Izvolite.

MIRNES AJANOVIĆ

Nema posebnog razloga da se prekine sjednica. Dobro je rekao kolega Kovačević. Međutim, mi smo sad u raspravi tamo po prijedlogu kolege Malikića, da upravo zbog toga što je za evo nešto više od sedmice dana izjašnjenje građana o izborima, a sve su ovdje stranke ponovo na izborima, da ne dođemo u poziciju zloupotrebe sjednice u predizborne svrhe, što po izbornom zakonu čak i nije dozvoljeno.

I onda u toj raspravi došlo je do političkog sukoba između nekoliko aktera. A što ti je ovo, a što onako, ovo, vi ste ovo, vi ste ono i to je upravo pokazalo da je prijedlog kolege Nedžada bio ispravan.

Ja inače ne bježim od sukoba. Ja uživam funkcionisati u sukobima. Tu se najbolje osjećam, a to je poznato evo svima, to ne moram nikome dokazivat, to svi znaju, ali smatram ako u proteklih četiri godine, evo koliko je bilo od izbora ili evo dvije ovog mandata, nije se uradilo ono što je trebalo ne treba sad niti ovu jednu sjednicu iskorištavati da se nešto dobiju nekakvi glasovi, da se pokaže da smo nešto radili.

Što se mene tiče ja svoju izbornu kampanju sam i završio i ja uživam u ovim zadnjim danima kad gledam kako se ovi ostali političari pate, glasaj za mene i slično. Ono što sam uradio, ko je vidio vidio, ko nije, nije ni bitno i rezultat će biti na osnovu toga.

I zato sam iz ovih razloga bez obzira što smo eto odvojili dan. I ja sam svoje obaveze morao pomjerati, isto moliti neke sudije da odgodi se za drugi dan, ali ovo što sam vidio sad u pauzi, kolege koje se gotovo sukobile, ne fizički nego verbalno naravno, to će možda prerast na ovoj sjednici i ostavimo građanima Tuzle da kada budu odlučivali o svima koji su se prijavili na izbor odlučuju na osnovu onoga što su radili do danas, a ovo danas svakako se nastavlja na narednoj sjednici. Dakle nema tu niti nikakve dodatne naknade, niti bilo šta, prenosi se na narednu sjednicu.

Iz tih razloga ću ja podržati prijedlog kolege Nedžada, a ako se desi da treba da održimo sjednicu sa zadovoljstvom idemo, pa onako će biti kako bude (ALEKSANDAR VUJADINOVIĆ – Dobro.) meni će svakako odgovarati. Hvala.

ALEKSANDAR VUJADINOVIĆ

U redu. Hvala lijepo. Ivica Kovačević. Je li replika? Čini mi se.

IVICA KOVAČEVIĆ

Hvala, hvala predsjedavajući. Ma samo sam htio reći, replicirat gospodinu Ajanoviću, dakle, ne vidim uopće niti jedan razlog zašto prejudicirati bilo kakve neke sporove, bilo kakvu neku negativnu atmosferu i tako dalje.

Dakle, ja i dalje samo ponavljam onaj stav koji sam rekao i na Kolegiju i nisam sudjelovao u ovim nekim raspravama, čisto da se i to zna, jer iz konteksta priče gospodina Ajanovića moglo bi se zaključiti da sam i ja bio dio te neke priče, nisam.

Ja samo smatam da je ovo krajnje neodgovorno prema svima onima koji ovdje sjede, prema ljudima koji su ovdje također a nisu vijećnici, prema cjelokupnom, prema dakle, cijelo, cijelom gradu Tuzli, građanima Grada Tuzle koji od nas očekuju da ovdje radimo svoj posao. Hvala ljepa.

ALEKSANDAR VUJADINOVIĆ

U redu. Hvala lijepo. Ništa. Ostaje nam znači da se izjasnimo o ovom prijedlogu. Da se današnji rad sjednice zaključi sa završenom tačkom jedan, a da se tačke od dva do dvanaest prenesu na neku od narednih sjednica. (MIRNES AJANOVIĆ – Mogu li repliku? Preciziramo. Poslovnička.)

Izvolite. Poslovnička Mirnes Ajanović.

MIRNES AJANOVIĆ

Da prenesemo za narednu sjednicu.

ALEKSANDAR VUJADINOVIĆ

Za narednu sjednicu. Za narednu redovnu sjednicu. U redu.

Molim vijećnike da pristupe glasanju po ovom prijedlogu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Dobro. Glasanje je okončano.

Konstatujem da je ovaj prijedlog usvojen većinom glasova, 26 vijećnika je glasalo za, 5 vijećnika je bilo protiv i nije bilo suzdržanih glasova:

Odlazu se za narednu, 25. redovnu sjednicu Gradskog vijeća Tuzla slijedeće tačke dnevnog reda 24. redovne sjednice Gradskog vijeća Tuzla:

2. RAZMATRANJE I DONOŠENJE ODLUKE O STAVLJANJU VAN SNAGE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O KUPOPRODAJI NEKRETNINE U VLASNIŠTVU GRADA TUZLA ZA IZGRADNJU KOLEKTIVNOG STAMBENO-POSLOVNOG OBJEKTA „F“ SA PRIPADAJUĆIM VANJSKIM UREĐENJEM U OBUHVATU PROSTORNE CJELINE „STUPINE SJEVER“ U NASELJU STUPINE U TUZLI

3. ODLUKA O DAVANJU SAGLASNOSTI ZA ZAKLJUČENJE UGOVORA O REGULISANJU MEĐUSOBNIH PRAVA I OBAVEZA U VEZI SA POVJERAVANJEM NA UPRAVLJANJE I KORIŠTENJE ZEMLJIŠTA, PLAŽA, OBJEKATA I OPREME U OKVIRU I U FUNKCIJI DVA SLANA JEZERA SA SLANIM VODOPADIMA I BAZENIMA U GRADU TUZLA (Ugovor o regulisanju međusobnih prava i obaveza u vezi sa povjeravanjem na upravljanje i korištenje zemljišta, plaža, objekata i opreme u okviru i u funkciji dva slana jezera sa slanim vodopadima i bazenima u gradu Tuzla i Mišljenje Gradskog pravobranilaštva, broj M-28/18 od 31. 07. 2018. godine)

4. RAZMATRANJE I USVAJANJE IMOVINSKO-PRAVNIH AKATA

a) Odluka o dodjeli u zakup poslovnih prostorija neposrednom pogodbom Omladinskom košarkaškom klubu „Sloboda“, broj: 01/07-23-4337/17

b) Odluka o dodjeli u zakup poslovnih prostorija neposrednom pogodbom Javnom preduzeću Sportsko-kulturno-privrednom centru „Mejdan“ d.o.o. Tuzla, broj: 01/07-23-4540/18

c) Odluka o dodjeli u zakup poslovnih prostorija neposrednom pogodbom Udruženju Planinarsko društvo „Hrid“ iz Tuzle, broj: 01/07-23-6196/18

d) Odluka o dodjeli u zakup poslovnih prostorija neposrednom pogodbom Udruženju za pomoć žrtvama i preživjelim seksualnog nasilja u ratu „Naš glas“, broj: 01/07-23-5329/18

e) Rješenje o utvrđivanju uz naknadu pravo vlasništva na izgrađenom gradskom građevinskom zemljištu, broj:

- 01/07-31-6600/07 (Selimović M. Kasim, lokacija KO Plane)

5. RAZMATRANJE I USVAJANJE IZVJEŠTAJA O KONAČNOJ PROCJENI ŠTETE OD POPLAVA U MJESNIM ZAJEDNICAMA SIMIN HAN I POŽARNICA I DIJELU MJESNE ZAJEDNICE GORNJA TUZLA

6. RAZMATRANJE INFORMACIJE O STANJU KLIZIŠTA I PODUZETIM AKTIVNOSTIMA NA REALIZACIJI INTERVENTNIH SANACIJA KLIZIŠTA NA PODRUČJU GRADA TUZLA

7. RAZMATRANJE INFORMACIJE O PROVEDBI MJERA I AKTIVNOSTI KOJE SE ODOSE „POVEĆANJE SVIJESTI ZAJEDNICE OD OPASNOSTI OD KATASTROFA“ – PROVEDBA OBUKA I VJEŽBI STRUKTURA CIVILNE ZAŠTITE I GRAĐANA U 2018. GODINI

8. RAZMATRANJE INFORMACIJE O AKTIVNOSTIMA NA ANIMIRANJU GRAĐANA I GRAĐANKI I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADATUZLA

9. RASPRAVA O NACRTU ZAKONA O INSPEKCIJAMA TK

10. RAZMATRANJE IZVJEŠTAJA KOMISIJE ZA IZBOR I IMENOVANJE

11. TEKUĆA PITANJA

a) Obavještenje Službe za prostorno uređenje i zaštitu okoline o razlozima prolongiranja izrade Regulacionog plana stambeno-poslovne zone Kreka–jug – II faza

b) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Informacije o postupanju sa izgubljenim i napuštenim životinjama, psima i mačkama lualicama

12. VIJEĆNIČKA PITANJA I INICIJATIVE

Time zaključujem rad današnje 24. sjednice, redovne sjednice u 12:59 minuta. Hvala.

STENOGRAM SAČINILI:

Senada Karabegović

Jasminka Delalić

P R E D S J E D A V A J U Ć I

dr.med.sci. Aleksandar Vujadinović s.r.